

Regio.
Nomina.
Situs.

Caeli temperies.

Soli fertilitas.
Animalium va-
rietas.

Imperium Ma-
jorum.

Urbes.

Cherſoneſus a Tauris Scythiæ Europæ populis *Taurica* cognominata Ptolemæo, Scytharum regio est, quæ & *Scythica* Straboni dicitur. Hanc *Taurorum Peninsulam* Latine dixit Plinius lib. 2 cap. 96. *Cherronesum Ponticam* Appianus in Mithridaticis, *Chersenam* Paulus Diaconus. Hodie *Perocopska* & *Gesara* Antonio Pineto, aliis *Præcop* & *Tartaria Minor* dicitur. Ampla est Peninsula, inter Pontum Euxinum & Mæoridem paludem usque ad Bosphorum Cimmerium, qui Europam ab Asia discernit, versus Ortum porrecta. Longa est *xxiiii* milliaria, Lata *xv*. Peninsula quæ ab Oriente & Meridie a Perecopia media est, hyemem placidissimam, & Aërem temperatissimum habet. Nam in fine Decembris hyemis initium, in medio vero Februario hyemis asperitas, quæ magis nivosa, nec tamen integro triduo illa magis durat, quum frigida & gelu constans est: nec diutius quam ad initium Martii illa durat. Univerſa autem ipsa regio frugum feracissima est, ac pascendis gregibus atque armentis valde idonea. Sed quamvis solum fertile Incolæ habeant, plurimi tamen agros non colunt, nec serunt. Equis, Camelis, Bobus, Vaccis, Pecoribus & Ovibus abundant, ac inde victitant. Est præterea Avium delicatissimarum ibi copia, quas aliquando Christiani vel Turcæ, rarius tamen peregrini Poloni capere solent. Venationes Cervorum, Caprarum, Aprorum & Leporum in ditione Tartarica & Turcica mari vicina, sunt plurimæ. Chersonesum autem hanc mediam horridi & ardui Montes velut Apenninus Italiam in Boream & Australem dirimunt. Australem, cuius Metropolis est *Capha* Mahometes anno *MCCCC LXXV* occupavit, & sibi tributariam fecit. In Boreali vero parte Tartari, Crimæi vulgo appellati, latissimos inter Borysthenem & Tanaim campos, pascuis subinde mutatis pervagantes, sedem Regiam annos jam fere quadringentos habuerunt opidum Crimæum, unde & Crimæi Tartari appellati fuerunt. Hi postea perfossio Tauricæ ad Insulæ formam Isthmo, circa fossam eam quam Præcop appellant, Civitatem ejusdem nominis & Regiam sedem cum condidissent, Præcopenses Tartari inde dicti sunt. Horum Rex Turcis foedere & societate conjunctus cum proprios fratres (instigantibus Turcis) a quibus bello petebatur, submovisset, & Capham obsidione premeret, a suis Consiliariis ad hoc amplis muneribus corruptis, cum duobus filiis in frustra concisus, Ottomannicæ amicitie infelix exemplum præbuit: Eo enim occiso Tartari, qui hæcenus liberi & indomiti, ex sociis & fratribus Ottomannorum facti sunt servi, & more aliarum Turcicarum Provinciarum non Regem, sed Beglerbegum, id est Vice-Regem accipere sunt coacti. Quale autem sit Turcicum imperium ex Walachiæ, Graciæ & Imperii Turcici descriptionibus facile potest cognosci, eo Lectorem brevitate causa remittimus. Præter Cazan autem & Astrachan Regna Tartarorum, qui agros colunt domosque inhabitant & nunc Moscho subjiuntur, præterque dictos Præcopenses, sunt & alii Tartari campeſtres, qui catervatim in campis nullis finibus observatis degunt & in hordas veluti in quasdam Provincias, a quibus & cognominantur, divisi sunt, de his suo loco Asiaticis videlicet Tabulis, dicemus. In Australi Metropolis est *Capha* olim dicta *Theodosia*, Emporium celeberrimum, vetus Genuensium colonia. Sita est ad mare. Portum copiosum illa semper habuit.

Genuensium